

[fol. 128v]

Obwohln bey dem alhiesigen Churfürstlichen Preuambt vnd zwar gleich zum Anfang dessen, also schon von vnuerdenkhlichen Iahrn Herkhommen, das ab iedem Schaf Waiz 4 kr. Messgelt eingefordert, welche alsdan vnder vns beede Preu Beampte, den Preumaister, Oberkhnecht vnnnd beede vnser Schreiber verthailt. So ist aber bei Aufnehmung der 1685- et 1686ig-iehrigen Preurechnungen von dennen Churfürstlichen *p.* Herren Rhätten vnd Preurechnungs *Commiszarien* vns bedeytet, das von dem auch Churfürstlichen hochlob. Geheimben Rhatt seye genedigist anbefolchen wordten, solche 4 kr. Messgelt abzuschaffen vnnnd an statt der 4 kr. hinfiro von iedem ganzen Schaf nur 1 kr. Streichgelt einzefordern, ainen oder 2 aigne Streicher aufzenemmen vnnnd selbe hieruon zu besolden, daher man dan solchem genedigisten Anbefelchen gehorsambis nachgelebt, allermassen so gleich Hanns Jacob Mayr, Burger alhier zue Kelhamb fir einen Streicher beim Ambt wirklich verpflichtet vnd ihme ab iedem ganzen Schaf Waiz 1 kr. Streichgelt verraicht wirdt etc.